


寶氏聯珠集



寶氏聯珠集

集

四部叢刊三編集部

編三刊叢部四

集珠聯氏寶

(8 3 7 1 0.1)

中華民國二十四年十二月初版

本書實價國幣陸角伍分

外埠酌加運費匯費

發行人  
印刷所  
王上  
海  
上商  
務海  
雲河  
印及印河  
書各書南  
南  
館埠館路  
五路



上海涵芬樓影印吳  
興劉氏嘉業堂藏宋  
刊本原書版高二十一  
公分寬十二公分

寶珠聯珠集

卷之二

連珠之義蓋取一家之言以偕列郎署法

五星如聯珠星星郎也詩凡一百首

故國子祭酒致仕贈太子少保府君詩

并傳

府君諱常字中行扶風平陵人也祖亶同

昌郡司馬贈水部郎中皇考叔向仕至左

拾遺贈尚書右僕射當代宗皇帝朝善五

言詩名冠流輩時屬貞懿皇后山陵上注

意哀挽即時進三章內考首出傳諸人口

者有禮遜生前貴恩追歿後榮又命婦羞  
蘋葉都人插捺花又禁兵環素席宮女哭  
寒雲備在文集故刑部侍郎包佶製序府  
君同氣五人各載首序府君大曆十四年  
舉進士與故吏部侍郎奚陟商州牧丁俛  
祕校獨孤授同年上第迨拾遺下世力養  
繼親家無舊產百口漂寓由是弃高科於  
盛時就泉府之小職遭迴者十年厥後載  
罹家禍因卜居廣陵之柳楊西偏疏泉種

竹隱几著書者又十載由擢第至釋褐凡  
二十年洎貞元十四年秋成德軍節度使  
太尉王公命從事御史盧泚貺五百金辟  
爲掌記不就其年淮南節度左僕射霸陵  
杜公奏爲參謀授祕書省校書郎厥後歷  
泉州府從事由協律郎遷監察御史裏行居  
無何湘東猝戎轉殿中侍御史賜緋魚袋  
元和六年由侍御史入爲水部員外郎亦  
旣二歲婚嫁未畢求牧守之官出爲朗州

刺史轉固陵尋陽臨川三郡旣罷秩東歸  
舊業時宰嘉招固辭襄疾因除國子祭酒  
致仕寶曆元年秋寢疾告終于廣陵之白  
沙別業享年七十七其年詔贈越州都督  
會昌元年武宗即位恩覃中外嗣子弘餘  
任黃州刺史准赦改贈太子少保有文一  
十八卷西江逸民褚藏言製序

晚次方山精舍却寄張薦貞外

楚鶻還無雪江春又足風馬羸三逕外人病

四愁中西塞波濤闊南朝寺舍空猶銜步兵  
酒宿醉在滌東

和裴端公樞蕪城秋夕簡遠近親知  
歲積登朝戀秋加陋巷貧宿醒因夜歇佳句  
得愁新盡日憑幽几何時上軟輪漢廷風憲  
在應念匪躬人

謁諸葛武侯廟

永安宮外有祠堂魚水恩深祚不長角立一  
方初退舍擬稱三漢更圖王人同過隙無留

影石在窮沙尚啓行歸蜀降吳竟何事爲陵  
爲谷共蒼蒼

奉賀太保岐公承恩致政

召公爲保及清時冠蓋初閑拜武遲五色詔  
中宣九德百寮班外置三師山泉遂性休稱  
疾子弟能官各受詞不學鑄金思范蠡乞言  
猶許上丹墀

四皓祠堂即事

尊嫡心萌事可憂四賢西笑暫安劉後王不

敢論珪組土偶人前枳樹秋

項亭懷古

力取誠多難天亡路亦窮有心裁帳下無面  
到江東命厄留驃處年銷逐鹿中漢家神器  
在湏廢拔山功

奉使西還早發小礀館寄廬滁州邁  
野棠花覆地山館夜來陰馬跡穿雲去雞聲  
出澗深清風時偃草久旱或爲霖試與惲嫠  
話猶堅借寇心

之任武陵寒食日途次松滋渡先寄

劉貞外禹錫

杏花榆莢曉風前雲際離離上峽船江轉數  
程淹驛騎楚曾三戶少人烟看春又過清明  
節笄老重經癸巳年幸得枉山當郡舍在朝  
長詠卜居篇

奉贈竇大貞外兄松滋渡見寄之作  
朗州貞外司馬劉禹錫

楚鄉寒食橘花時野渡臨風駐綠旗草色連

雲人去住水紋如縠鶯參差朱輪尚憶群飛  
雉青綬初懸左顧龜非是溢城魚司馬水曹  
何事與新詩

奉送職方崔貞外攝中丞新羅冊使  
帝命海東使人行天一涯辨方知木德開國  
有金家冊拜申恩重留驩作限賒順風鯨浪  
熟初日錦帆斜夜色潛燃火秋期獨往槎慰  
安皆喻旨忠信自無瑕髮美童年髻參香子  
月花便隨琛賚入正朔在中華

早發金鈎店寄奚十唐大二茂才

出門山未曙風葉暗蕭蕭月影臨荒柵泉聲  
近廢橋歲經秋後復程在洛中遙寄謝金門  
侶弓旌悞見招

途中立春寄懷楊邠伯

浪跡終年客驚心此地春風前獨去馬澤畔  
耦耕人老大交情重悲涼物外親子雲今在  
宅應見柳條新

七夕寄懷

露盤花水望三星  
髡鬚虛無爲降靈  
斜漢沒時人不寐  
幾條蛛網下風庭

故祕監丹陽郡公延陵包公挽歌詞  
卓絕明時第孤貞貴後貧羸詫爲胄子季扎  
是鄉人筆下調金石花間領搢紳那堪歸葬  
日哭渡柳楊津

涼國惠康公主挽歌

玉立分堯緒笄年下相門早加于氏對偏占  
館陶恩淚有潛成血香無却返魂共知何駙

馬垂白抱天孫

哭張倉曹南史

萬事竟蹉跎重泉恨若何官臨環衛小身逐  
轉蓬多麗藻嘗專席閑情欲爛柯春風宛陵  
路丹旐在滄波

過宋氏五女舊居

宋氏女  
貞元中嫁五人  
入宮

謝廷風韻婕妤才天縱斯文去不迴一宅柳  
花今似雪鄉人擬築望僊臺

奉寄辰州房使君郎中